

Saopćenja

Jugoslovensko udruženje za političke nauke održat će u mjesecu ožujku ove godine u Zagrebu redovnu godišnju skupštinu.

Na dnevnom redu nalazit će se slijedeća pitanja:

1. Otvaranje Skupštine i utvrđivanje poslovnika;
2. Diskusija o temi: »Aktuelni problemi političke teorije i prakse«;
3. Diskusija o temi: »Problemi političke nastave«;
4. Izvještaj Upravnog odbora o dosadašnjem radu;
5. Donošenje novog Statuta Udruženja;
6. Izbor organa Udruženja.

Učesnici savjetovanja mogu da podnesu pismene priloge u okviru datih tema ili da učestvuju direktno u diskusiji. Težnja je Organizacionog odbora da se prvenstveno pošalju pismeni prilozi. Rok za podnošenje pismenih priloga je 10. veljače 1965. godine.

Prijave i pismene priloge treba poslati na slijedeću adresu: Fakultet političkih nauka (za Organizacioni odbor za sazivanje Skupštine Jugoslovenskog udruženja za političke nauke), Zagreb, Lepušićeva broj 6. Samo do tog roka podnijeti radovi bit će objavljeni i stavljeni na raspolaganje učesnicima Skupštine.

Okvirne teme, koje će se razmatrati na Skupštini u okviru općeg naslova: »Aktuelni problemi političke teorije i prakse«, su slijedeće:

1. Politička teorija i politička praksa,
2. Ideologija političkih pokreta i nauka,
3. Suština marksističke političke teorije,
4. Filozofija i politička teorija,
5. Suština socijalističke demokracije,
6. Samoupravljanje kao politički odnos,
7. Demokracija i političke partije,
8. Političke partije u radničkom revolucionarnom pokretu,
9. Političke partije i političke organizacije u političkom sistemu zasnovanom na samoupravljanju,
10. Sindikat u sistemu samoupravljanja,
11. »Odumiranje« politike i političkih partija;
12. Karakteristike suvremenih političkih partija u radničkom pokretu;
13. Političke partije u socijalističkim zemljama;
14. Oblici političke vlasti u socijalističkim zemljama kao izraz proturječnosti u razvoju socijalizma;

15. Politički i ustavno-pravni sistem;
16. Uzajamni utjecaji politike i prava;
17. Političke partije i predstavnička tijela u socijalističkim zemljama;
18. Utjecaj političkih partija na državne organe i njihovu politiku;
19. Materijalne i političke osnove sloboda i prava čovjeka i građanina;
20. Predstavnička i neposredna demokracija;
21. Pravni sistem i politički odnosi;
22. Međuzavisnost ekonomskog i političkog sistema;
23. Ekonomski osnovi samoupravljanja;
24. Međuzavisnost samoupravljanja i tehničkog razvoja;
25. Planiranje kao politički odnos;
26. Politička vlast državnih organa i sistem samoupravljanja;
27. Pojava i manifestacije suvremenog birokratizma;
28. Politički profesionalizam i sistem samoupravljanja;
29. Politički položaj državne uprave u sistemu samoupravljanja;
30. Društveno-politički položaj izabranog predstavnika u predstavničkom sistemu i u sistemu samoupravljanja;
31. Skupština društveno-političke zajednice u sistemu samoupravljanja;
32. Lokalna samouprava u sistemu samoupravljanja;
33. Međunarodni odnosi u socijalističkom političkom sistemu;
34. Socijalistička revolucija i nacionalno pitanje u suvremenim uslovima;
35. Suvremeni aspekti prava naroda na samoupravljanje;
36. Federacija kao izraz međunacionalnih političkih odnosa;
37. Politička samostalnost federalnih jedinica u suvremenim političkim sistemima;
38. Državno-pravni sistem federacije kao izraz međunacionalnih političkih odnosa;
39. Političke partije u višenacionalnim zajednicama;
40. Ustavno sudstvo u međunacionalnim odnosima.

Unutar drugog općeg naslova: »Problemi političke nastave« predviđene su ove okvirne teme:

1. Sistem političke nastave u školama i sličnim institucijama; Problem političkih kurseva; Osnovne karakteristike postojećeg sistema nastave od elementarne do one na fakultetima i visokim školama.

2. Struktura nastavnih planova u pojedinom tipu od ovih škola; Nastavni programi, udžbenici, učila i sl.; Predavači.

3. Mjesto i vrsta nastave političke nauke i političkih nauka u nastavnim planovima ovih škola a naročito viših i visokih škola i fakulteta; Stvarna nastava i njena mjera, radovi u ovoj oblasti;

Problemi koji se danas postavljaju u naučnom akademskom i kadrovskom pogledu.

4. Odnos između političkih nauka i drugih disciplina u nastavi; Suradnja u izvođenju ovih disciplina; Način izvođenja nastave na političkim i sličnim školama.

5. Nastava političkih nauka izvan političkih škola i fakulteta; njen značaj i mjesto, sadašnje stanje i perspektiva.

6. Postojanje stupnjeva nastave na visokim školama i fakultetima; Odnos između viših i visokih škola; Problem uvođenja i karaktera nastave tzv. III stupnja; Doktorat.

7. Struktura kadrova u političkim školama; Kamo idu kadrovi iz političkih škola a kamo bi trebalo da idu; Važnost ovih kadrova i problemi njihovog obrazovanja; Da li ima politike u ovom pravcu i kakva je.

8. Problemi istraživanja u visokim školama i fakultetima, opravdanost instituta i kakvih, istraživačka i naučna osnova nastave političkih nauka na ovim institucijama.

9. Opća idejna i metodološka orijentacija u političkoj nastavi; Normativizam i empirizam; Teorija i institucije; Kakva je orijentacija na pojedinim školama i koji su tu problemi; Problem zajedničke orijentacije i njene osnove.

10. Suradnja među školama koje pružaju političku nastavu; Pitanje osnivanja nastave sekcije u Udruženju; Pitanje zajednice ovih škola.